

«ՀԱՍՏԱՏՎԱԾ Է»

**ՖԻԶԻԿԱԿԱՆ ԿՈՒՆՏՐԱՅԻ ՀԱՅԿԱԿԱՆ
ՊԵՏԱԿԱՆ ԻՆՍՏԻՏՈՒՏԻ ԳԻՏԱԿԱՆ
ԽՈՐՀՐԴԻ ՆԻՍՏՈՒՄ 29.10.2007թ.
ՌԵԿՏՈՐ, ՊՐՈՖԵՍՈՐ՝**

Վ.Բ.ԱՌԱՔԵԼՅԱՆ

Կ Ա Ն Ո Ն Ա Կ Ա Ր Գ

**«ՖԻԶԻԿԱԿԱՆ ԿՈՒՆՏՐԱՅԻ ՀԱՅԿԱԿԱՆ ՊԵՏԱԿԱՆ ԻՆՍՏԻՏՈՒՏ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ
ՄԱԳԻՍՏՐՈՍԻ ՊԱՏՐԱՍՏՄԱՆ ԿՐԹԱԿԱՆ ԾՐԱԳՐԻ**

Սույն կանոնակարգը կազմված է ՀՀ կառավարության 2005 թ. նոյեմբերի 9-ի N 1933-Ն կրթության մասնագիտությունների ցանկի հաստատման մասին որոշման համապատասխան ՀՀ կրթության և գիտության նախարարության կողմից հաստատված /2003 թ./ բարձրագույն մասնագիտական կրթության պետական կրթական չափորոշիչների /մագիստրոսական աստիճան/ համաձայն:

1.ԸՆԴՀԱՆՈՒՐ ԴՐՈՒՅԹՆԵՐ

«Ֆիզիկական կուլտուրա և սպորտ» մասնագիտությունից մագիստրոսների պատրաստումն իրականացվում է հետևյալ ուղղություններով՝

- ա/ ֆիզիկական դաստիարակության տեսություն և տեխնոլոգիաներ.
- բ/ Սպորտ և մարզիկների պատրաստության համակարգ.
- գ/ կինեզիոլոգիա և ադապտացված ֆիզիկական կուլտուրա
- դ/ մարզական լրագրություն

2. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅՈՒՆԸ

2.1. Մագիստրատուրա մրցութային կարգով կարող են ընդունվել բակալավրի կամ դիպլոմավորված մասնագետի կարգավիճակ ունեցող անձիք: Այլ բուհերի շրջանավարտների ընդունելությունը մագիստրատուրա կատարվում է համապատասխան ֆակուլտետի խորհրդի կարծիքի և հարցազրույցի հիման վրա:

2.2. Մագիստրատուրայում ուսուցումը կազմակերպվում է անվճար և վճարովի հիմունքներով: Ըստ ուղղությունների անվճար և վճարովի տեղերի բաշխումը կատարում է ընդունող հանձնաժողովը՝ ՀՀ կրթության և գիտության նախարարության կողմից հասկացված տեղերի շրջանակներում՝ տվյալ մասնագիտության բակալավրիատի շրջանավարտների թվին համապատասխան:

Բանակի տարկետման իրավունքով տեղերի բաշխումը ըստ մասնագիտությունների կատարում է ընդունող հանձնաժողովը՝ ՀՀ կրթության և գիտության նախարարության կողմից հատկացված բանակի տարկետման իրավունքով տեղերի շրջանակներում՝ տվյալ մասնագիտության բակալավրիատի արական սեռի շրջանավարտների թվին համապատասխան: Մրցույթի արդյունքներով մագիստրատուրա ընդունվածները բաշխվում են անվճար և վճարովի ուսուցմամբ՝ Մագիստրոսական տեղերի հատկացման ժամանակ հաշվի են առնվում ամբիոնների պահանջմունքները՝ կոնկրետ մասնագետներ պատրաստելու համար:

2.3. Մագիստրատուրայի ընդունելությունը կազմակերպելու նպատակով ռեկտորի նախագահությամբ կազմավորվում է ընդունող հանձնաժողով՝ ուսումնական աշխատանքների գծով պրոռեկտորի, դեկանների, մագիստրատուրայի բաժնի վարիչի անդամակցությամբ: Քննությունների անցկացման համար հանձնաժողովի կազմում ներգրավվում են նաև համապատասխան ամբիոնների վարիչները:

2.4. Մագիստրատուրայի ընդունելությունը կատարվում է երկու փուլով.

2.4.1. Առաջին փուլով անվճար և վճարովի համակարգ /բանակի տարկետման իրավունքով և առանց բանակի տարկետման իրավունքի/ կարող են դիմել Ֆիզիկական կուլտուրայի հայկական պետական ինստիտուտի տվյալ ֆակուլտետի ընթացիկ ուսումնական տարվա այն շրջանավարտները, որոնք ավարտական աշխատանքից և պետական քննություններից ստացել են „Լավ“, կամ „Գերազանց“, գնահատականներ, որոնց դիպլոմի միջուկում գրանցված բոլոր գնահատականների միջինը „4,“ և ավելի միավոր է, և որոնց համապատասխան ֆակուլտետի խորհուրդը երաշխավորել է ուսումը շարունակելու մագիստրատուրայում: Ընդունելությունը կատարվում է մրցութային կարգով:

2.4.2. Երկրորդ փուլով վճարովի համակարգ /առանց բանակի տարկետման իրավունքի/ կարող են դիմել սույն կանոնակարգի 2.4.1 կետի պահանջներին համապատասխանող Ֆիզիկական կուլտուրայի հայկական պետական ինստիտուտի ընթացիկ ուսումնական տարվա այն շրջանավարտները, որոնք դիմել և չեն անցել առաջին փուլի մրցույթով, ինչպես նաև 2.4.1 կետի պահանջներին բավարարող այլ մասնագիտությամբ Ֆիզիկական կուլտուրայի հայկական պետական ինստիտուտի և այլ բուհերի ընթացիկ ուսումնական տարվա շրջանավարտները: Նախորդ տարիների շրջանավարտները կարող են դիմել մագիստրատուրա 2.4.1 կետի պահանջները չբավարարելու դեպքում: Երկրորդ փուլի ընդունելությունը նախապես կատարվում է մրցութային հիմունքներով:

2.5. Դիմորդները ներկայացնում են հետևյալ փաստաթղթերը՝

ա/ դիմում ռեկտորի անունով, նշելով մագիստրոսական ուղղությունը.

բ/ բարձրագույն կրթության դիպլոմի և նրա հավելվածի բնագրերն ու պատճենները.

գ/ երաշխավորագիր ֆակուլտետի խորհրդից; Նախորդ տարիների շրջանավարտները երաշխավորագիր չեն ներկայացնում.

դ/ 4 լուսանկար /3x4 չափսի/.

ե/ ընդունելության ծառայությունների համար սահմանված 1000 դրամի վճարի անդորրագիր:

3. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅԱՆ ՄՐՑՈՒԹԱՅԻՆ ԿԱՐԳԸ

3.1. Առաջին փուլի ընդունելությունը կատարվում է ներկայացրած փաստաթղթերի և դիպլոմի միջուկում գրանցված առարկաների միջին միավորի հիման վրա՝ ընդունող հանձնաժողովի երաշխավորմամբ: Հավասար միջին միավորների առկայության դեպքում հերթականությամբ հաշվի են առնվում հետևյալ լրացուցիչ չափանիշները՝

ա/ գերազանցության դիպլոմի առկայությունը.

բ/ ավարտական աշխատանքի և պետական քննությունների գնահատականները.

գ/ մարզական կարգը և կոչումը, միջազգային մրցումների արդյունքները

դ/ տպագրված գիտական աշխատանքները.

ե/ գիտական կոնֆերանսներում զեկուցման թեզիսները:

3.2. Երկրորդ փուլով ընդունելությունը կատարվում է տվյալ մասնագիտության բակալավրի պետական քննական ծրագրին համապատասխան՝ քննության արդյունքներով առարկայական քննական հանձնաժողովի ներկայացրած արձանագրության հիման վրա ընդունող հանձնաժողովի կայացրած որոշմամբ: Քննության հավասար արդյունքների դեպքում հերթականությամբ հաշվի են առնվում հետևյալ լրացուցիչ չափանիշները՝

ա/ գերազանցության դիպլոմի առկայությունը.

բ/ դիպլոմի միջուկում գրանցված առարկաների միջին միավորը.

գ/ ավարտական աշխատանքի և պետական քննությունների գնահատականները.

դ/ տպագրված գիտական աշխատանքները.

ե/ մարզական կարգը և կոչումը, միջազգային մրցումների արդյունքները

զ/ գիտական կոնֆերանսներում զեկուցած թեզիսները:

3.3. Առաջին փուլի գործերի ընդունումը կատարվում է մայիսի 21-ից մինչև հունիսի 4-ը, երկրորդ փուլի՝ հունիսի 18-ից մինչև հունիսի 29-ը, իսկ գարնանը բանակից զորացրվածների համար՝ օգոստոսի 27-ից մինչև օգոստոսի 30-ը:

Ընդունելությունը կատարվում է առաջին փուլի արդյունքներով՝ հունիսի 11-ից մինչև հունիսի 14-ը, երկրորդ փուլի՝ հունիսի 6-ից մինչև հունիսի 10-ը, իսկ գարնանը բանակից զորացրվածների համար՝ սեպտեմբերի 3-ից մինչև սեպտեմբերի 6-ը:

3.4. Մագիստրատուրայի վճարովի համակարգում երաշխավորված ուսանողների հրամանագրումը կատարվում է ուսման վարձը վճարելուց հետո:

3.5. Մագիստրատուրայի դասերն սկսվում են սեպտեմբերի 15-ից:

4. ՄԱԳԻՍՏՐՈՍԱԿԱՆ ՊԱՏՐԱՍՏՈՒԹՅԱՆ ԾՐԱԳՐԻՆ ՆԵՐԿԱՅԱՑՎՈՂ ՊԱՅԱՆՋՆԵՐԸ

4.1. Մագիստրոսական պատրաստության ծրագրի բովանդակությունը և ծավալը որոշվում է ուսումնական պլանով, որը կազմվում է մագիստրոսական մակարդակի պատրաստության պետական կրթական չափորոշիչներին համապատասխան և հաստատվում է ինստիտուտի գիտական խորհրդի կողմից: Այն իր մեջ ներառում է բնագիտական, հումանիտար և մասնագիտական առարկաներ, որոնք չեն կրկնում այն առարկաների բովանդակությունը, որոնք ուսումնասիրվել են բակալավրի ուսումնառության շրջանում: Դրանց բովանդակությունը ուղղված է մասնագիտական կրթության ընդլայնմանն ու խորացմանը:

4.2. Մագիստրոսների կրթական գործունեությունն իր մեջ ներառում է ուսումնական պարապմունքների և ինքնուրույն աշխատանքի գործընթացում ուսումնական պլանի յուրացումը ըստ առարկաների, ընտրական դասընթացների, ուսումնական պրակտիկաների, գիտելիքների կարողությունների և հմտությունների, որոնք նախատեսված են պետական չափորոշիչներով, ներառյալ՝ դասավանդման գործունեության փորձի ձեռքբերումը:

4.3. Գիտահետազոտական աշխատանքի բովանդակությունն ու ծավալը որոշվում է ուսումնական պլանով և մագիստրոսական ատենախոսության թեմայով, ձևակերպվում է մագիստրոսի գիտահետազոտական աշխատանքի անհատական պլանով, որը որոշում է այդ աշխատանքի հիմնական փուլերի բովանդակությունը և իրականացման ժամկետները:

4.4. Մագիստրոսների գիտահետազոտական գործունեությունը ներառում է գիտահետազոտական աշխատանքի անհատական պլանի մշակումը ուսուցման ամբողջ ընթացքում, ըստ թեմայի մագիստրոսական ատենախոսության հետազոտության մեթոդների ուսումնասիրումն ու յուրացումը, տեսական և գործնական հետազոտությունների անցկացումը, ստացված գիտական տվյալների մշակումը, հետազոտության արդյունքների ձևավորումը մագիստրոսական ատենախոսության տեսքով, գիտական հոդվածներով, զեկուցումներով և գիտական կոնֆերանսներում ելույթներով:

4.5. Մագիստրոսի գիտահետազոտական աշխատանքի անմիջական ղեկավարումը իրականացնում է գիտական ղեկավարը, որը պետք է ունենա գիտական աստիճան կամ գիտական կոչում և աշխատի տվյալ ինստիտուտում: Գիտական ղեկավարը օգնում է մագիստրոսին ատենախոսության թեմայի ընտրության գործում, մագիստրատուրայում սովորելու ողջ ընթացքում գիտահետազոտական աշխատանքի անհատական պլանը կազմելուն, ըստ ատենախոսության թեմայի հետազոտության մեթոդների ընտրությանը և յուրացմանը, գիտափորձերի կազմակերպման հարցերի լուծմանը, արդյունքների մշակմանն ու ձևակերպմանը, վերահսկում է նրա կողմից աշխատանքի անհատական պլանի կատարումը:

Գիտական ղեկավարը կարող է միաժամանակ իրականացնել հինգից ոչ ավելի մագիստրոսների ղեկավարություն:

Գիտական ղեկավարների թեկնածությունները հաստատվում են թողարկող ամբիոնների կողմից:

5. ՄԱԳԻՍՏՐՈՍԱԿԱՆ ՊԱՏՐԱՍՏՈՒԹՅԱՆ ԿԱԶՄԱԿԵՐՊՈՒՄԸ

5.1. Ինստիտուտում մագիստրոսական պատրաստությունը կազմակերպվում է մագիստրոսական պատրաստության բաժնի և համապատասխան ամբիոնի կողմից:

5.2. Ուսուցումը մագիստրատուրայում իրականացվում է առկա ձևով, մեկ տարի տևողությամբ:

5.3. Ուսումնական պարապմունքները մագիստրատուրայում անցկացվում են ըստ դասացուցակի՝ կազմված ուսումնական մասի կողմից՝ ուսումնական պլանին և գրաֆիկին համապատասխան:

5.4. Մագիստրատուրայում ուսուցումը հենվում է մագիստրոսների ակտիվ ինքնուրույն աշխատանքի վրա, որից ելնելով՝ առավելագույն լսարանական բեռնվածությունը չպետք է գերազանցի շաբաթական 16 ժամը:

5.5. Մագիստրոսների կողմից ուսումնական պլանով բոլոր առարկաների նախապատրաստման ծրագրերի յուրացման վերահսկողության համար նախատեսվում է ընթացիկ և ամփոփիչ ատեստավորում, ընդ որում վերջինս՝ ստուգարքների և քննությունների ձևով:

5.6. Գիտահետազոտական աշխատանքի և մագիստրոսական ատենախոսության պատրաստման վերահսկողությունն իրականացվում է 1-ին կիսամյակում մասնագիտական ամբիոնում ատեստավորման միջոցով և 2-րդ կիսամյակում նախնական պաշտպանությամբ, որի արդյունքներով նշանակվում է ստուգարք:

5.7. Ուսումնական պլանի գրաֆիկով նախատեսվում է ձմեռային և ամառային քննաշրջանների անցկացում, գիտահետազոտական և մանկավարժական պրակտիկա, պետական ամփոփիչ ատեստավորում:

5.8. Ինստիտուտի մագիստրատուրայի շրջանավարտներն իրավունք ունեն աշխատելու որպես՝

ա/ բարձրագույն ուսումնական հաստատություններում դասախոս.

բ/ ազգային հավաքական թիմերի մարզիչ և հոգեբան.

գ/ ադապտիվ ֆիզկուլտուրայի մասնագետ և վերականգնող՝ բուժական-առողջարարական հիմնարկություններում և հատուկ դպրոցներում.

դ/ հանրապետության հավաքական թիմերի համալիր գիտական խմբերի ղեկավար, գիտական աշխատող:

6. ԱՄՓՈՓԻՉ ԱՏԵՍԱՎՈՐՈՒՄԸ ՄԱԳԻՍՏՐԱՏՈՒՐԱՅՈՒՄ

6.1. Մագիստրատուրայում ուսուցումը ավարտվում է ամփոփիչ ատեստավորմամբ, որին թույլատրվում են այն մագիստրոսները, ովքեր լիովին կատարել են ուսումնական պլանը, հանձնել են բոլոր ստուգաթղթերն ու քննությունները, անցել են բոլոր պրակտիկաները, ներկայացրել են մագիստրոսական ատենախոսությունը՝ վերջնական ձևավորված տեսքով:

6.2. Մագիստրոսների ամփոփիչ ատեստավորումը ներառում է մագիստրոսական ատենախոսության պաշտպանումը:

Ատենախոսության պաշտպանությունը կայանում է պետական ատեստավորման հանձնախմբի նիստում:

6.3. Այն անձանց, ովքեր լիովին կատարել են մագիստրոսի մասնագիտական կրթական ծրագիրը և հաջողությամբ անցել ավարտական ատեստավորումը, շնորհվում է ֆիզիկական դաստիարակության և սպորտի մագիստրոսի ակադեմիական աստիճան և տրվում է պետական դիպլոմ:

6.4. Ինստիտուտի Գիտական խորհրդի որոշմամբ մագիստրատուրայի ավարտական քննությունները կարող են համարվել ասպիրանտուրայի ընդունելության քննություններ: